

SANGAU  
*Phawngpui Hlang Chanchin*

MZ  
954.166  
NOH

Mizoram State Library  
DG853





# **SANGAU**

## **PHAWNGPUI TLANG CHANCHIN**

**Buatsafhtu : T.T.Nohmung.**

**1st. Edition.**

**A man : Rs. 2.50**

**All rights reserved.**  
**1977**

Mizoram State Library  
DG853



---

**PUBLISHED BY T.T.NOHMUNG**  
***Printed at the United Pentecostal Printing Press Aizawl.***



## DATE LABEL

\_\_\_\_\_

<u>Date of Issue</u>	<u>Date of Issue</u>	<u>Date of Issue</u>	<u>Date of Issue</u>
1	1	1	1
2	2	2	2
3	3	3	3
4	4	4	4
5	5	5	5
6	6	6	6
7	7	7	7
8	8	8	8
9	9	9	9
10	10	10	10
11	11	11	11
12	12	12	12
13	13	13	13
14	14	14	14
15	15	15	15
16	16	16	16
17	17	17	17
18	18	18	18
19	19	19	19
20	20	20	20

## THUHMAHRUAI

He lehkhahu tê reuh tê, 'SANGAU' tih hi, a tira ka tum dan chuan Pawi tawnga ziaik ka tum a. Thui fê ka buatsaih tawh nge nge a. Mahse, he lehkhahu ka buatsaih briais, tih an tam takten Mizo tawnga ziaik zawk turin min ngên a. Ka ngaihtuah nawn lehin, Phawngpui tlâng hian nawn tlâng nawn, an chanchin a ni a. Mi tam zâwkte briat leh chbiar theiha buatsaih chu tha zâwkin ka ring ta a. Hun chêp takah hman-bmawh tsikin ka ti sawk sawk a, duh thu a sâm tâwk lo tih ka hriatin pawl ka ti a. Mahse, chhut leh hunte awm thei a nih ngai chuan kim chang zâwk leh duh-thusâm deuha buatsaih ka tum ang. Phawngpui tlâng la hmu ngai lote leh, a en tura kalte tan kaihrusaitu tha tak a nih ka ring.

Bung taw chanchin eng emaw ka ziaikte hi a tâwi thei ang bera ziaik an ni a. Tin, he lehkhaha ka buatsaihnaah hian Sangau Upa, Pu Kiauvunga pa leh. Pi Chiazangi paten nasa takin min tanpu a. Anni pahnih tanpuina azârah he lehkhahu hi ka buatsaih puitling tâwk a ni. Tin, mimal chanchin a lanna leh thil dang chanchinah pawh tih palh a awm chuan ngaihdam ka di! nghal a. Dik lo pia in briatte chu min hrilh thei ula, ka lâwm hle ang. Tin, dik lo zâwk ngei nia briat chu siam that zêl a ni bawh ang.

Dated Sangau  
The 25th. March. 1977

T.T.Nohmung.

MIZORAM STATE LIBRARY

Class No

29 853

Vol. by

Class by

Author

Editor

Printer

## BUNG 1

# PHAWNGPUI TLANG

## A HMAN LAI CHANCHIN

A hming dik tak chu : Mizoram mi tinina kan hriat theuh angin, Phawngpui tlang hi kan Zoram tlang sâng ber a ni a, a san zâwng it. 7,100 a sâng a ni tih bâk chu a chauchin mi tam berten kan hre tam lo. A hman lai leh tun lai chanchin te, a tlanga thil awnte mi tam tak la hmu ve ngai loten hriat an châk em em a, hriat châkawm tak a ni tâng a. A hman lai chanchin thenkhatte pheh hi chu thawnthu a ang zâwk a.

Hman lai chuan Phawngpui hi 'Phawngpui' tia koh a ni lo va, 'SANGAU TLANG' an ti zâwk thin. An tihna chhan chu he tlang awptu ramhuu lalber hi Sangaua a ni a; a hming chawia koh a ni. He tlang chip lam a tanga hnâr nei, lai pakhat 'SANGAUVA' an tih Archhuang khua leh Pangràng klâw inkâra luangte hian a uihzia a tilang a. Tin, an hmanlai hla pakhat :—

“Tho luai mai law Chiriang a,  
Thlang lenn Sangau tlang  
An chhawth tawn dah Mehe,  
Duh i hlawn kip za keng”

tihte hian a ti chiang a ‘Chiriang’ tlang hi Phawngpui chhak lama awm a ni a. Tin ‘Mehe’ tlang hi Phawngpui chhim chhak lam, Lakher buia awm a ni, Tin, beng ‘Chiriang’ tih te, ‘Mehe’ tihte hi an ramhuai lalberte hming chawia veka sak so ni. Chuvangin, a chung a hlach pawh khian tlang anga phual lovin, chung tlanga Pathiante (Hman lai mite Pathian) an phualha a ni zawk. A chung a hla tlar 3-na khian Pathian anga an biak thinzia a tilang a ni.

Heng tlang pathumte hi a chhelvêl khuaten pathian angin an be thin a. Chu chu ‘Khawhrum chhiat’ an ti. Sangau khuaah pawh khian kum 1960 vêl thlang khân chutianga Pathian anga Phawngpui tlang an lo biak

thinna hmun chu hmuh thehin a awm a. Thing lian-pui, tuna Pawi District Council Administrative Outpost Office ehbak lawkah khian a ding a; chu chu, "Bawipa chhawthnâk thingkung," an ti a. Chu chu "Pathian biakna thingkung," tihna mai a ni. A bulah PURA a awm a. Pura hi Pyramid ang deuha siam a ni a. Chu Pura pawh chu, "Bawipa chawthnâk Pura," an ti thin. Sangau mipuite chuan he hmun atang hian Phawngpui tlang pathian Sangaua chu an be thin. Chutiang bawkin khaw dangte pawhin an bia a. Sangau khaw hming lo pian chhuah dan leh tuna kan sawi lai m êk Phawngpui tlang hian inlaichinna ngaihnaawm tak a neih avangin, bung dangah a hranin kan la sawi ang a.

Sangau-a hi pa lianpui a ni a, a beng lehlam âwng-phahah a hmang a, a beng lehlam chu a thuah thin an ti. Tuna Sangau khuua 18th Assam Rifles-ho awmna; "Khuavâng lung tlang," an tih hi a Bangla anga a hman thin a ni. A hnuaiah chbiahlawh te, hotu chi hrang hrangte leh a rorêlpui a upate an awm t̄uh va. Rorêl a thiam êm êm a. A thuawia a hnuaia awmte chu mi-in an tilnat pawh a phal ngai lo. Duhâm taka thiltihthe hi thil t̄e ber atanga lian ber thlengin a phal lo va. A miten thil an tih that chuan a lâwm êm êm a. Vandaina an tawh pawhin a tuarpuzia entir nân, a chheh-vêla khuaten an hriat theih turin, Dârkhuang a tum rik hluah bluhtir thin an ti. Amaherawhchu, betianga Dârkhuang an tumna hi chu a mi tha deuhte thih chângin a ni deuh ber. Ramhuaite, an thi ve thei ngai emaw ni! Thenkhat leh sawi dan chuan ramhuai zinga a mi thate chauh ni lovin, a chbehvêl khuua amah betute zinga mi tha deuh an thi châng pawhin an tum thin e, an ti.

### **Sangauan a fapa tan nupui a zawng.**

Sangaua hian fapa a nei a, chumi a fapa atan chuan nupui a zawng a. Hmun hraog hranga a ramhuaipui lal fanute a rim hnui, Chiriang tlanga ramhuai lal fanu chu a thlaog ta a. An inneihna chu puahchah tan a ni ta. Anmahni inhmu turin an ti ta hlawm a. Phawng-



puia Sangaua fapa chu Chiriangah chuan a han lêng a. An mi tha, a beng hlâi chin tam takin an zui a. Chiriang lal in chu a ropui khawp mai a, a mi hruiate khân titi sawina châng pawh bre lovin, an en kual an en kual ringawt mai a. An lal fapa hrui pawh chu an bre chang lo va

Chiriang lal chhiahhlawhten Sangau lal fapa leh a hote lo lên thu chu an pute an hrilh vat a. Chiriang lal chuan, a thiltihtheihna hmangin an lo kal tan tirh aṭanga a ina an luh thleng khân a lo hmu reng hlawn a. Chiriang lalnu leh pa chu an lo chhuak a, rei vak lo an inkâwm a. An pindan lamah an luhsan leh mai a. Chutia an kalsan dawn chuan an fanu an rawn tirh dawn thu leh, chuta lo ngâk rih tur chuan an hrilh hlawn a. Nakinah chuan an fanu hmêl tha lutek chu Sangau lal sepate awmna lam pan chuan a lo kal a. Chibai te an inbûk sel zet hnu chuan an thu hlawn a. An vawikhat inhmuhnaah an inhmangih êm êm mai a. Tichuan Sangaua upate chuan, an inṭuhzia leh inneih an rem tihzia chu Chiriang lalnu leh pate chu an hrilh hlawn a.

### **Chiriang lal fanu mansh Haubûk.**

Lalnu leh pa pawh chuan, chu chu an hriatin an lâwm êm êm a. An fanu man tur chu an rêl ta a. Sangaua fapa leh a upate chuan, an thil neih hrang hrang chu an mo nu tur man atân chuan an han sawi thin a; mahse, Chiriang lalte chuan an pawm thei tlat lo va; an mangang hle a ni. A tâwpah chuan an han inrâwn khâwm a; an inhi'n an duh ang chu ngên zâwk se, an ti ta a. Lalnu leh pa chu an duhzawng ngên turin an ti ta hlawn a. Anni chuan inrâwn buai pawh ngâi lovin, Haubûk an ngên a. Chu thu an hriat chuan anniho thu maia tihluk theih a ni dawn lo tih an hria a. A chhan chu, Haubûk hi an roh berite zinga mi a nih vâng a ni. Chutichuan, Sangaua hnena thil awmdan thlen turin palai thenkhat kal nise, tih an rêl a. Amah-erawhchu, Sangaua khan a thiltihtheihna hmangin an thil rêl leh thusawi kha a bre vek a. Khuai hi palai

atan a rawn tir a. A chak thei ang berin a rawn thlâwk a, palai kal turte an chhuah hmain a rawn thleng a. Sangaua chuan Haubûk man a pêk chu a remtih thu leh, amaherawhchu, a mal tih loh, a tuak chu a remtih loh thu a rawn sawi a. Haubûk hi Chiriang bial vêlah hetih lai hian an awm ve ngai lo. Sangaua sa bik a nih vâng niin an sawi. Tin, Sangaua hian thawmhnaaw leh sum leh pai chhawm tur atân engmah a duh loh thu leh Fâr kung chauh a duh thu a rawn chah nghâl a. Fâr hi Chiriang thlai a nih bik avangin, Sangaua ramah hian kûng khat mah a awm ve lo thung a ni. Tichuan, Chiriang lal chuan a remti ve a. Amaherawhchu, a Fâr thing chu kûng khat chauh a phal ve ă, an inrem fel ta a ni. An inneihna pawh a ropui kher awm e

Chuvangin, Phawngpui tlangah hian Fâr kûng khat chauh a awm a. A awmna hmun hmingsah pawh 'Fâr Pâk' an tih phah a ni. A awmna hi hmun zâwl nuam lai ber a ni a, 'Fâr Pâk Zâwl' tiin tûn thlenga koh a ni. Chiriangah pawh chuan Haubûk mal chauh chu a awm reng e, an ti Phawngpui tlanga Fâr kûng hi erawh chu kum 1950 hnu lamah khân a thi ta a ni.

### **Sangaua ran khâwi te**

Sangaua hian a awp chhûnga ramsate rêng rêng hi a khâwite vek nun an sawi thin. A bik takin, Sanghal te Sazuk te, Saza te, Sathârte leh Savawnte hi a ran ngainat zâwnge an ni a. Sakei hi an hotu berah a dah a. Hlêng a sa ngainat zâwnge hi a lian fâl deuh, ram hla deuh pawha mahnia tla fâl thei tûrbo chu an beng a dung zâwugin a zai kâk vek a. Pasaltha khawia mi pawhin chutiang sa an kah chuan, "E. Sangau sa a ni maw?" an ti thin. A sa an chan pawhin a eng lai emaw chu an hnutchhiah thin an ti. Thenkhat sawi dan chuan, miin Sangaua sa hi an kah chuan a hnênah lâwm thu sawia inthawina an hlân thin an ti.

### **Sanganan mibringte tan thlai a ching.**

Sangaua hian Phawngpui tlanga lo kalte tân thlai a ching a, chung chu Purûn (Zo purûn) leh fû an ni.

A hmunah an riak a nih chuan an riah chhông zawnga an ei chu a phal a. Amaherawhchu, huamhap taka ina hawn atâna lâk chu a phal lo thung a. A chhan chu nakin zêla mi lo kal veten an chan loh a hlahv vâng a ni.

Tum khat chu Sangau khua Pasalthabo an ram chhuak a, Phawngpui tlangah chuan an riak hlawm a. An haw dân ni chuan pa pakhat huan fû chu a fate hawn atân a tan a, a iptêah a hnawh a. A thianten ti lo tûra an tih pawhin, a duh tlat lo va. An haw chu le, rei lo tê an kal hnu khân an thianpa kha an hmu ta hauh lo mai a. An zawng chiam a, an hmu thei baw si lo va, kal san ngawt chu an duh baw si lo va, an nghâk ta ringawt mai a. Nakinah chuan an haw kawng dik takrawn zawh khân binanhmawh deuhin a lo kal a. Engtin nge a awm an zawh chuan, “Kan chhuah hnu rei lo têah khân ka hmu ta rêng rêng lo che u a, engmah thut dang hmuh leh hriat pawh ka nei lo; kan haw kawng dik takrawn zêlin ka inhria a, fû hmunah baw khân ka chhuak leh thîn; chutiang chuan tum nga vêt ka kual a. Ka tih ngaihwa hre lovin a tàwpah ka iptêa ka fu pai kha ka phawrh vek a, ka dah ta a. Tichuan, karawn kal a, tluang takiu karawn thleng thei ta a ni,” a ti a. Chuta chin chu tumahin haw tinah an tin ngam tawh ngai lo Tunah chuan fû bi chu a awm tawh lo nia briat a ni a. Purûn hi erawh chu a la awm ‘Hrangal sambriahûak’ an tih lungpui bulah pawh hmuh tur a awm.

### Bengchhen a phal lo.

Sangaua hian a tlang chungah rêng rêng bengchhen a phal lo va. Sa pêt tûra han riah tumte pawhin khua-vâng kal tlangin an hrilh hre hmasa thîn. An hrilh dan chu hetiang hi a ni :—

Hman lai chuan hmun tin deuh thawah khuavâng zâwl an awm thîn a. Miten mamawh an neib chuan zûte zûn an zâwl chu koh sak an ngên thîn Tichuan, kha zâwl nei khân a khuavâng zâwl kha a ko va, zâwl nei nu emaw pa emaw hmang khân arawn inlâr a. Enge an mamawhte a zâwt hlawm a Anni chuan, “Sa-

ngau min hrilh sak la, Chiriang min hrilh sak la, an ran kanrawn dil ve dawn e. Hetia an ran kanrawn dil chhung hian an uipa erawh chu min lo tblun sak sela Chu mi ni, kha mi niah kan lo kal dawn e." an ti thin. An uipa an tih hi Sakei a ni. Chutianga an tih chuan sa chu an kâp lo thei lo a ni.

Tin, a chhehvêl khaw thenkhat tân chuan a lãnga kal phâk a ni a. Thâl engang hun pawh ni se, an bengchhen lutuk chuan chhûm a zing nghal mup mup a, ruah a sôr mai thin.

Chuvangin a riaka an kalin emaw, a lãnga an kalin emaw upain bengchhen an khap tlat thin. Pasaltbaho sa pêla han riakte pawhin an silai kah rik bâkah a chimawm zâwnga bengchhen an ngam ngai lo. A lungawi loh zâwng tak thil an tih emaw, an runluia bengchheng an nih phei chuan thlite a tleh vak mai thin an ti.

### **'Phawngpi' (Phawngpui) tlang tia an kobna chban**

A bung buli kan hriat tawh ang khân Phawngpui hi 'Sangau' tia koh a ni a. Tun tlangin Pawi upaho chuan Sangau an la ti reng a ni. Mahse engah nge Phawngpi (Phawngpui tlang) tia koh a nih lo sawi leh ila. Phawngpui tlangah hian phûl a tam ên ên a. Phûl nuam tak tak, Film Star-te nunchan zirna oi âwm tak taka mawi leh nuam a tam mai a. A chhehvêla khua a lo awm tam tâk hnu hian, lêng phûlte avang hian 'Phawng tlang' tite an awm tan a. 'Phawng' tih awmzia chu Mizo tawng chuan 'Phul' tihna mai a ni. A rei tâk hnu chuan a hming dik tak chu thangtharte zingah hriat mang loh a lo ni ta a. 'Phawngpi tlang' tia keini Pawihovin kan koh chu, mi dangin 'Phawngpui' an ti ve ta mai a ni. A tlang hming dik tak leh a chanchin ti tamtu ber hi chu 'Sangau' tih hi a ni. Sangauan hnuhma a neihna ram dang daihate pawh lui leh hmuo hming thenkhatsh 'Sangau' tih hi an chawi nuala hriat a ni hawk.

### Sangauan a thil ui êm êm te.

Sangaua hian thil ho deuhva lang si, ui êm êm mai a nei a. Hetia kan ngaih ngawt chuan an aia ui tur a tam mai a; mahse, a ui berte an niin a lang tlat a ni. Chungte chu:—

1. **Ngbarûl**: Ngbarûl hi Sangha ni si, rûl ang maia sei a ni a. Rûl anna pawh a nei deuh roh a ni. He Phawngpui tlânga hnâr nei luite leh a chhehvêl huai lui dangah rêng rêng pawh, hmânah chuan hetiang Sangha an man hian ruah a sûr ziah thîn an ti. A châng phei chuan thlîte hial pawh a tleh thîn bawk âwm e. Chuvangin, hman lai deuh chuan he Sangha hi man dân eng ang chi pawha an manin, an chhuah leh mai thîn. A chhan chu Sangauan a phal loh vâng a ni an ti.

2. **Râiruang**: Râiruang hi luang chi khat a ni a. Mi thenkhat chuan in chung chih atân te, tîlâm chung chih atân te an sât thîn. Luang dangte nen danglamna an nei a. A sah hun tikah chuan di chen lek, di ang deuh chiah hi a ni mai a. Di ât erawh chuan a braw deuh va. Tîfah chuan, Sangau hian a awp chin ram chhunga râiruangte hi a hmuhin mawi a ti êm êm a. Thîn a han chhêm kûr dêm dêmte hian mawi a tizual a. Chuvangin, sah rêng rêng a phal lo va. Miin in a'an emaw, thlâm atân emaw an sah luihin emaw, bre lova an sah palh pawhin a thiurim êm êm thîn a. A sâtute hi a tîa lêm lo nâ a, a brem nan thlî a tlehtir vak a. Iuah emaw, thlâmah emaw pawh lo hmanh se, thlî chuan matheilovin a len chhiat sak ziah thîn an ti a. Chuvangin, thlî tleh hun pangai lova thlî a tleh chuan, upa-ho rêng rêng chuan, “Tunge maw râiruang sât chu aw? An chimawm mai mai mang e. A huo lovah thlî kan tuar leh hi,” an ti thîn.

### Miten an riozia

Sangaua hi a chhehvêl hmun tîa mite hian an ring êm êm a. Thu intiamna satliah lo, thil vâwtâwpah chuan, “Sangau leh Chiriang pawhin min hratpûi rawh se,” an ti thîn. Tin dâwta thu hian thama an in-

puh a, an puba khân dika a inbr'at si chuan, "Hetiang thil ka tih lohzi chu, Sangau chhâla intiam pawh ka ngam," te an ti thin. Tin, miin manganna nasa tak an tawhin. "Aw, Sangau leh Chiriang ka va ngai che u êm ! Ka chungah nangni in awm a, min tanpuh teh u," an ti thin. Miin dâwt awihawm lo lutukte sawi se, "Kan chungah Sangau leh Chiriang an awm a, Chiriangin dâwt awihawm lo lutukte an sawi ngai love," an ti thin.

Amaherawhchu, hman lai kan pi/pute hian pathian bik tak an nei lo va, An hlaub zâwng be lâwr mai maia awm thin an ni a. Phawngpui tlâng chheb vêla mite pawh hian Sangau chauh lo pawh hi tlang dang te, an lo neih te, tuikhûrte lam hian an inthawi tho a ni. Sangaua hi erawh chu thiltithe berah an ngai a ni ngei tur a ni.

Thin lai lungmâwl vânga  
Tlâng tin rau tin zâwlin,  
Tunah erawh thimnaten  
Zamual an liam zo ta.

## BUNG 2.

### PHAWNGPUI TLANGA HMUN HMING PAWI- MAWHITE LEH THIL AWMTE LEH AN CHANCHIN.

Sangau atanga Vakawkkawrawn inkâr : He bung hi Phawngpui tlang hmu ngai lote leh a chanchin leh hmun hmingte bre lote kaihruaitu (guide) atan ka tih a ni a. Kan rama tlang sâng ber a nih avangin, mi tam takin hmuh an chak a. Kum tin, a en tura kal pawh an tam sawt deuh deuh zel a. He lehkha bu tê tak tê hi chûng mite tan chuan kaihruaitu cha tak a nih ka ring. Phawngpui tlang hi kawng hmun hnih atangin a kal theih a. Kawng khat chu Saiha lam atanga lo kalte tan bik a ni a, chu chu Vawmbûk khaw kal tlangin a ni. Kawng dang leh chu Sangau khaw kal tlangin a ni thung. Hei hi Lunglei leh Aizawl District mite kal

khân deuh a ni a. Tin, Jeep-in Sangau khaw thleng a kal theih avangin, Chhimtuipui District-a mi tam tak-te pawhin Sangau lam ațanga kal hi an thlan zawk karing a. Chuvangin, Sangau lam ațanga kala kan tlawh tur hmunte chu a indawtin kan sawi dawn a ni

Sangau khua, Pawi biala khaw hmingthang, nakina a chanchin kan la ngaihlâk tur chu Jeep-in i thleng thei a. He khua ațang hian ebhim lam han en teh 'Tlâng lianpui dum dūr mai, ■ sânzia lah chu a chbîp ațang chuan vân rim a nam pha ang e, tib mai tur lo ding luah chu i hmu ang a, chu chu tuna a chanchin kan sawi tur, Sâppuiin 'Blue Mountain' tia an koh, Phawngpui thng chu a ni. Sangau khua ațanga thlir chuan a ngawpui chhawn lam a ni a, a dum dūr mai a. Ngaw kân h khâm râng a lang zeuh zeuh va. En rêng rêng pawha khuavâng lêng tin kâina ni awm ngawih ngawih hi a ni

Sangau ațang hian Kim 3 emaw dawn lai chu Jeep-in a kal theih a. Sangau klaw ep chur kawng chhaka tlâng awm hi Community Development Block ram a ni a. Jeep a i kal chuan rei lo têh he lai ram hi i pêl thuai ang a. Tichuan, tlâk lamah rei lo tê i han inber ang a, minute 3 lekin han ding teh. Khawthlang lam han haw la, Khuaso tlâng dug a khuate an lo ling pe uar ang a. Churgte chu — Cheuval, Lungtian leh Vartek khuate an ni. Rei lo têh chhuah lamah kawng chu chho deuh euhin a kal leh ang a. A chhoh tanna hmun ațang hian Soil Conservation Department farm a ni taw a. An fâr chhona hmun a ni. Tlâng dug zawha i kal laiin han ding lawk leh la, Chio Hills lam han thlir thung teh. Khaw lo largte khi i hre dth maw? A hmâr lam tâwpa, khaw lo lang hla bei khi THAU khua a ni. A dawt leh saw SIALAM a ni a, Sialam khaw piah lawka mi saw HMUNHALH a ni. Sialam khaw piah tlâng lianpui lo lang khi CHIRIANG TLANG an tih chu a ni a. Tin, THAU khaw piah tlâng sen vula i hnuh khi THAU TLANG a ni.

Lu lian pui, Chio Hills a kan unâute nea min thertu i hmuh khu Kaladan tuipui (Bawin), Chhimtui-

pui an tih bawk chu a ni. Thil dang kan sawi kai hmaio, he lui chanchin hi tlem ka han brilh teh ang che. A hming bul ber chu 'Bawinu' tih a ni a. 'Lalnu' tihna a ni. Hetia an tihna chhan chu, he lui hian 'Bawipa tlang' an tih Chin Hills a mi chu a ngaizawng tlat a. Rem lo chung chungin a rawn pan a, a bul retah a lo luang a. Tichuan an innei ta a. Bawipa tlang nen an inneih tak chinah hian 'Bawinu' an ti ta a ni. Bawipa tlang bula a luan dante eo chuan rawn pan brâm a ang hle a ni.

Tin, 'Kaladan' an tihna chhan hi chu hetiang hi a ni :— 'Kala' tih chu 'Vai' tihna a ni a. A awmzia chu 'Vai danna' tihna a ni. Thil hriat chhakawm tak a nih avangin Phawngpui tlang chanchin ni ve lo mah se, remchângah ka han zep a ni. Hman laia Vai an lo len-in, Arakan atanga lo kal a, he lui dung rawn zawh a, kan ram lâk tumtu mi ngo-hote chu hrânghlui mual liam tate chuan he luih hian an dang bet tlat a. An kîr thak thak rêng a nih kha. Tam tak an that hlawm a. Hausâta leh a hote phei chuan Arakan ramri hnaih vêla lawnga an lo kal lai an lambun hlawm a. An hotupa ber hovin an that hlawm a, he an hotupa hi Leut. James Stewards a ni. Hausâta chuan ti hian hlado a chham a :—

"Tipi lawng kuang cung i  
Phuhlun vairâng ka thab hla e.  
Vâl sâwm tling lakah  
Vawm bang ka tuang ka thin hnawh e."

tiin A awmzia chu :—

"Tuipui lawnglêng chung a  
Dorâl hlun sâppui ka'n that tak kha,  
Vâl sâwm kha zawng hmaah  
Phuaivawm iangin thlûnglu ka thin khung e,"

tihna a ni

Mahse, hmâr lam atanga lo kalte kha an lo dan zawh tâk si loh avangin an dang blen thei ta lo a ni. He mi avanga 'Kaladan' tia koh a ni. Tun thangthar hnuaah hian tute emaw a hming bul bâl hre loten. Mizoramah tuipui kan nei diah a; a awmna chhim lam a



nh avangin, 'Chhimtuipui' anrawn ti a. Dik lo takin a hming an puttir ta a ni.—

Awle, kan kalna tûr kawng chanchin kha sawi leh tawh ila. Khatia dinga Kaladan tuipui kan thlirna aţang khân kâwn tē reuh tē tē pahnih kan pelh houn, kawng chu chho zâl deuhin a kal leh a, rei lo tēah feh kawng pēng, khaw kâr kawng emaw tih mai tûr a lo awm ang a, chu chu 'Fingbêk pēng' an ti. A chbêk lawka tlâng hi 'T.T. Thanghluna lungphun tlang' a ni. (T.T. Thanghluna hi he lehkha zaktu nâu, naupang ber a ni). Kâwnah i han her chhuak nghâl ang a. Chuta tang chuan tlâk lamah kawng chu chhuk zâlin a kal tawh thung ang. Hetia i lam hma hian i hnung lam han hawi teh! Ngau khawpui thlang sappui rûn rem, thla khâwnng lova mual tin hrût sakhmêl iang a inzâr ut chu i hin arg. Hma khawsânga suiblungmâw! an sawi, Chhurbura phei chuan han thir se khaw dang emaw tun a lêt leh nuth hmêl a ni.

Rei tē chhuk deuh thira i kal hnu chuan, kâwn thûk deuh a lo awm ang a, chu kâwn chu 'Vakaw-kawâwn' an ti. He hmun hi Jeep a kal theihua tâwp a ni. He mi atang hi chuan kea kal a ngai tawh a. Kein rei vak lo i han kal ang a, kawng chu a chho deuh vek tawh a, Thaltlâng pēng i thlang thuai ang. Hemi aţang hian Phawngpui tlang a lo inzâr ta, kawng pahnih a awm a, pakhat chu Thaltlâng khaw tlawha kalna a ni a. A dang leh chu Thaltlâng tlawh lova kalna a ni. A kawng taw zâwk lamah i kal ngei ka ring a, chu chu Lungkawt lun kawng a ni.

**Lungkawt.** Hei hi kalkawng laia awm a ni a. Hetia 'Lungkawt' an tihua chhan hi chu he lai hi khâm ti tihin a awm a. Kal theihua hmun dang a awm lo rêng rêng a; khâm kârah chuan kal theihua awm chhun hmun khatah a awm a, chu chu lung kawngka inhawng-ah ngaiin, 'Lungkawt' an ti a ni. 'Kawt' tih awmzia chu Pawi ţawnga 'Kawtka' tih aţanga lâk a ni a, 'kawng-ka' tihua a ni. Thaltlâng khaw lam aţanga i kal duh zâwk a nih pawhin a ţha hlei hlei a, a chhau chu a kawng a nawm deuh vâng a ni. Lungkawt lam kawng

hi chu hun tam zâwkah a phui tlat a, a kal theih loh a, a chhan chu enkawltu mumal an awm loh vâng a ni. Thaltlâng khaw lamah i kal a nih pawhin, Phawngpui huam chhông vekah kawng a kal tawh a. Minute 15 emaw, 20 emaw i kal hnuin Thaltlâng khua i lut ang a, i duh leh rei lo tê chawl la. Thaltlâng ațang chuan kawng a chho leh tawh ang a. Lungkawt pêng leh Thaltlâng inkâr hi erawh chu a chbuk chho chhe vak lo. Phawngpui tlang pana kal a nih avangin, kawng chu a kual chho nasa tawh mai a.

**Pharh leh Thothek :** Thaltlâng ațanga hah khat zên zâwn i kal hnu chuan mau chi dang tak i hmu ang a. Pakbat chu 'Pharh' a ni. A châng tinah a hling a awm a. A hling chu bit deuhin a kual raih a. In sak-na hmanrua atan pawh a hman theih. 'Thothek' an tih hi erawh chu mau tê reuh tê tê chi a ni a, eng atan mah a hman tlâk hran lo. Mahse, a mawi viau va Mizoramah a ang hi a vâng viau bawk

**Lungphun kâwn :** Heta țanga hli vak lovah hian, kâwn i han thleng chho vang a, chu chu 'Lungphun kâwn' a ni. Chawlhna hmun pakhat a ni. Han chawl hahdan ve la, Phawngpui tlang chu han thli vel teh.

**Hoariat lungpang :** Thaltlâng khaw ep taka khâm lo lang hi 'Hoariat lungpang' an ti. Hetia an kohna chhan chu, he khâm ațang hian lui tê reuh tê tê pariat-in hnâr an nei a. Chuvangin, 'Hoariat lungpang' an ti a ni. Tun houah pawh 'Lungpang' tih kan sawi zut dawn a. Chu chu 'Khâm' tihna mai a ni. Chuvangin, sawi nawn ngai lovin chhinchhuah reng ila.

**Sangau bawikhuai :** He khâmah hian khâmkhuai a awm a. Chu chu 'Sangau bawikhuai' an ti a ni

Tunhna chuan khâmkhuai reng reng hi neitu an awm zêl a. Lalte hi a neitu an ni bik a. Lal tâ lo hi vâng tak a ni zawk. Chuvangin, a neitu lal phalos lo chuan tuman an khawh rgai lo. He khâmkhuai hmîng awmzia chu 'Sangau lai khâmkhuai' tihna a ni.

**Mangchem kboai lungpang :** A chung a kan sawi khâm chung piaah lawkah hian khâm pakhat a awm ve

leh a. Chu chu 'Mangchem khuai lungpang' an ti a ni. A neitu Mangchem hming chawia koh a nin an sawi.

**Thanzâmpa sathar brennâk lungpang :** Mangchem khâm khuai khâm pialah hian khâm pakhat a awm leh a. He khâm hi a bula tui a awm avangin Pasaltha ram vâkte riah duhua tak a ni a. A bâkah khâm chêp deuh a awm a. chu chu ramsate tân kalna tha awm chhuu a ni a, chuvangin riak pahin pasaltha hian beta tâng hian sa an châng thin a ni. Chu lai hmun chep takah chuan Hranglungchhung pasaltha. Phanzama pa, Thaltlâng pasaltha betin tum khatah sathar pathum a dang bet hlawn a, a that phiar a; Chuvangin he khâm tun hmaa hming mual nei ngai lo chuan hmingah a put phah ta a ni. A awmia chu, "Thanzâmpa pa Sathar dan na kham," thin a ni. A tapî Thinzama hi tun thlengin Thaltlâ pah a la awm.

Awk, tlang chhíp lam pame chho, ah tawh la, a tam ber chu chho um ch deuh a ni hlawn a. A chuang chângin chho zel deuhin kawng chu a lai zel ang a. Tin, kawng phei lo awmia chu mthi hahdampa tham pawh tling lo tê tê an ni hlawn a. A tawpah chuan tlang dung phei nuam deuhah han chuang chho vang a. Tlêmin kawng phei chu lan zowh la, a thengthawt awmia berah chawl meuhin han thlir vêt teh.

**Hrângal sam hriahnâk** I hma lawka Phawngpui tlang chhíp lawn chhuahna tûr tlang dung ut mai chu i hmu ang a. Huphurh suh ' Hah khat lekah i chhuak chho thei tawh ang. I hma lam tlang bul thut ding lama lung tohlâwt sâng deuh mai saw i hmu em ? Saw saw 'Hrângal sam hriahnâk' an ti. He lungpui hi tun hma chuan engmahin a bawm lo va. Fih rul mai a ni a. Chutiang ■ nih avang chuan a lăwn a har êm êm a. Chuvangin, tumahin han lăwnin a chhípah an chuang chhuak ngam ngai lo an ti. Pasaltha Hrângala hi mi huai tak, thin phut (hlahv vanga thin phut) nei mang lo mi a ni a. A silai nêh a lawn a, a chhípah a han chuang a, a sam a khuih hmasa bet a, a sam a khuih zawhah chuan a mu a, a sirah a silai a dah a, a muhi bawrh bawrh mai a. A thantcho tam chhuak pawl

dangin an rawn hmu a, an han au va, muang chângin a tho va, a chhuk thla a, thang khat vêl chu a muh awm e. Mak an ti lutuk a, a hmingah an puttir ta hia a ni. Tunah erawh chuan hnim eng eng emawin a khuh a, a lăwn a har vak awm lo ve. Amaherawhchu, a chhup atanga a thlang lam han bih thlăk chuan a hlauhawm dan chu ti tak a la ni.

Hemi hmunah hi chuan Chhawkhei kungte a awm chūk tawh a, a pâr hun lai pheh chuan a vul chūk mai a ni. Tin, he Hrangala sambriahnâk lungpui bulah hian a ni zo purûn tun thlenga a la awmna, hung hmasaa kan sawi kha ni. Purûn chawr hunah chuan a chhak deuh atanga bih thlăkin a hmuh theih Naubân chu hrang hrangte pawh hmuh tur a tamzia chu i kal tawhna kawng bul vêlte i en ngun chuan i hria ang

**Lukbuh tlang :** Tin, hemi lungpui hnua, Sangau khaw lamah deuh si khuan tlang bawk lukhum ang deuh mai hi a awm a, chu chu 'Lukbuh tlang' an ti. 'Lukbuh' tih awmzia chu 'Lukhum' tihna a ni. Tin, he Lukbuh tlang hnuaiah hian khâm a awm a, chu chu Lukbuh tlang tih hming hian a huam vek a ni.

**Kuapi leh Kuatê :** He khâmah hian khâm khuai hmun hniah a awm a. Khâm chhawrdawh hnua zâwk-ah pakhat a awm a, a chungah pakhat daug a awm leh a. A hnua zâwka khâm khuai hi 'Kuapi' an ti a, a chung zâwka mi hi 'Kuatê' an ti. A awmzia chu a hian zâwk leh a tê zâwk sawi hranna mai a ni. Kuapi hi a hian zâwk a, Kuatê hi a tê zâwk a ni. Hlêng hi Sangau khaw lai ta ve ve an ni. Tin he khâmah hian Vamûr kua pawh a awm a. Vamûr kua chu a no neih lăin an hawh thîn a, tam deuh an man thîn. A notê sa hi a tui bik avanga betia a no neih hun lu khera hawh thîn hi an ni. He khâm hi Phawngpui tlang khâm zingah chuan kal vêl nuam ber pawl a ni. A hmun vêl pawh a nuam bawk a. Tin, khâm khuai pawh hi an lăkin, a hawhha hawh thlăk ve tho a ni a. A thlâr hi a han thei khawpa Thlangrâ aia hian te, Thlangrâ tiatte a tam mai. Tin, a khawizû pawh a tam thei thîn hle a, ûm

lian pui pui hian an pu haw thin. He khâm hi pasal-  
thate chênna hmun pakhat a ni Sathâr, Saza leh thil  
dang pawh a tamna pawl tak a ni

**Phiahpi.** He lai vêlah hian 'Phiahpi' an tih hi a  
tam hle a. A kûng awm dân chu tûm kûng ang deuh  
a ni a. Tum leh Meihlê te neu chhungkaw (family)  
thuhmun chu an ni nger mai. A danglamna erawh  
chu a zikah a ni. A zik ka han tih awmzia chu, a zik  
kheh chi a ni ve a. Thal laan an kheh deuh ber. Tin,  
thal lai hi a kheh hun tak a ni bawk a. A zik tha pawl  
chu zik khat chauh pawh pathing phur tâwk a tling  
thei a ni. A tun danah pawh Tum zikte nên a mang  
deuh ber.

**Kei thei.** Tin, thei chu khat, 'Kei thei' an tih chu  
a tam em em bawk a. He thei pawh hi thal laia rab  
chu bawk a ni. He thei lo tûn hian nûlâ leh tlangvâlte  
chu him tûk an kal thin a. A hmun toah deuhle  
chuan inchhah oan an kawrah an ni tah sen sak thin.

**Theiâng.** He thei pawh hi thei tun tak a ni a.  
An rah hun erawh chu a nang lo. Hêng thei chu tûh-  
te hmin hun li an ei chák vâng ei lovin, thenkhatte  
chuan an tâna chance tha ngun a nghakhlel em em  
thin. Tunhma Zokhaw nunah chuan kêngte hi nûlâ leh  
tlangvâlte himna hun a ni reng thin a ni.

Tin, a hmasaa khâm ken sawi tam takte kha kal  
kawng atang lang thei lo an awm nual a. A bran  
deuhva a lau theinna hmunna kal a ngai a ni. Amahe-  
rawh chu, Phiwngpui tlanga hmun himingthang deuhle  
an nih avangin ka han zik tel ve mai a ni. A hmasa  
khâm thenkhat chachin kan la sawi leh tute pawh hi  
kawng atang mai chuan hmuah theih lohte a awm nual  
leh dawh a ni.

I châwl hahdam ta bawk a. Tin, a lâwn tâwpna  
hmun khat a ni tih hriat fabranin tlang chhîp tâwp chu  
a lang thei ti tih tawh bawk vei nen. I hmanhmawh  
tawh ang a, kal tan leh tawh rawh le. Kawng hi chbo  
um elh deuh ni mah se, a nuam ve tawh reng reng a.  
A hmun a thengthaw nuam em em a. Lâwn sân poh

leh a nuam deuh deuh mai a ni. Fâr pāk zâwl thlen hma hian vawikhatte chu an châwl ve zish fo va. A chhan chu a kawng hi tâwi hle mah se, a chho êm a, hahthlâk ve tak a ni. Hêhdam taka Fâr pāk zâwl i luh theih nan tlêm chu han châwl ve la. Khawthlang lam, hûâr lam leh khawchhak lamte a lang Chiang êm êm mai a. Hawi vêl a nuam hle a ni. A lang thui thei hle bawk a. Khaw langa pui pawh a tam lutuk tawh a, sawi sên a ni tawh lo zawk. I hah a dam ta bawk a, kal tan leh tawh la.

**Fâr pāk :** Khai le ! Inring rawh le. Fâr pāk zâwl Phawngpui tlânga hmun nuam lai ber i thleng dâwn ■ Kawng chho a lo tâwp a, tlâk lamah tlêm a han inher a. Chhuk zâl deuhin kawng a kal ta. Hênga mau chi dang deuh mai hi i bre duh em ?

**Raw ngal :** Hêng mau chi danglam takte hi ‘Raw ngal’ an ti a. A chang hi a khat teh a nia. Kho, hnam leh thlangra tah nana an hman ber ■ ni. A to danah Phulruate leh raw lam chi dang nen a inan êm avang-in, mau pum tiat lek ni mah se, Rawngal an ti a ni.

Rawngal hmunpui i han kal pelh chuan a lo êng huau mai a. Khawvel danglam taka lût tur emaw ka nih tih mai awl tak a ni. Tuoah chuan Fâr pak zawl i thleng ta. Han hawi vêl mah la, Film star te nun chan zirna a iang mai pawh ni lovin, Angel-te tual lêng-na ni awm tak zawk hi ■ ni. Chhawkhlei kûngte chu mihringin mumal nei taka an phun emaw tih mai turir fel tak leh nalh takin hmun thenkhatah chuan an in-tlar a. Hmun thenkhatah erawh chuan heng lai phûl timawi zualan, a khat tawkin an awm phenh pheuh va. Tuna i hmuh bmasak ber, phûl zau ber mai hi a ni. ‘Fâr pak zawl’ tih hmîng putu chu. ‘Pak’ tih awmzia chu ‘Mal’ tihna a ni.

Mizorama mi tan takten an la hmuh loh, kan ram tlang sâng ber leh nuam ber i han hmuh chuan, hmu ve lotena :—

“Chuan ka nuam ngei e,  
Phawngpui tlang sângah khian;

pâwl nia kan briatte pawh hi Vanga bulah chuan Choâk ang chauh an ni. Tin, Phawngpuiah pawh hian an tam vak lo ni âwm ■ ni Khawi maw laish hmuh tûr an awm zauh zauh chauh a ni. Á hmul hi a vawng fêl khawp a, chhetê pawhin a tipawr ve ngai lo. Thawn-thuah Vanga chu a nuin, “Hnawka i kala i hmul a pawr dâwn ai chuan leh, chu hnawk atanga i hmul pawr miah lova i chhuah theih dâwn loh chuan, i thih hma loh ding reng ngawt ang che,” a ti e, au ti. Chuvangin, hmun hnawkah chuan an awm ngai lo reng reng, ram ngaw pui, theih tha takah chauh an tla thin

Tin, sava zinga lal bera ngaih a ni a Mun an kahin emaw, thang hmanga an awh pawhin ropui takin an âi ziah thin. A thehte phei chuan Sial leh Lawite hial talhin, zu nêh nasa takin au âi thin

**Pangrâng lungphun tlang.** Hein Fâr pāk zâwl tâwp atang hi chuan thui fe kawng chu phei deuhin ■ kal a Thlazuang khâm epa khâm kan sawite kha, he mi kawng bul atang huan tlem han pêmni a bih theih a. Nakin deuhah kawng chu ■ han chhuk tin ang a. Tahchuan lungphun a awm a: chuvangin, “Pangrâng lungphun tlang” an ti a ni He hia lung phuntute hi Pangrâng khua an nih vangin, Pangrâng lungphun an tihna hi chu a ni mai.

**Thakek :** He lai vêlah hian thung chi khut, rah duh deuh mai a awm a, a hnung chu ‘Thakek’ an ti. A rah vanglai chuan Savawmin an tlan nasa thei êm êm thin a. A thei rah zinga tel ve emaw tih mai tûr hi an ni. Kûng khatah Savawm sawm ai tanite hmuh tur an awm thin an ti He thung hi Phawngpui tlang hmun hran hranab a awm dual hawk.

**Tisum :** Pangrâng lungphun liam, Burma lam epah hian khâm a awm a He khâm leh a chhehvêl hien Sathar, Sakhi leh Szuk an tam hlea sawi ■ ni A bouaiah chiah hian lui a awm a. Chu luiah chuan lung pakhat, sum (bun denna sum) ang chiah hi a awm a. Tui zângkhaubin a tih kuak ni tûr a ni. Chuvangin, a khâm hmingah pawh hian ‘Tisum’ an tih phah a ni.

**Sathâr** Sathar hi he lai khâmah leh Phawngpuia khâm tinah an awm thin a; mahse, eng emaw chen (kum 1960 bawr vêl) atang khân an vâng hle a. A chhan chu an kah nasat lutuk vâng a ni. Chubâkah Sakeiin a heh bawk a. A chhan ber erawh chu a chhehvêl pasaltha-bovin an kah rêm vâng a ni ber. An tam deuh lai chuan pasaltha pakhatin tum khatah Sathar pali, pangate hi an kâp thin. Sathar hian a an ber chu Kêl hi a ni. Ram Kêl ti ila a dik thei viau awm e. An che hmangah pawh an inang hle. An kite pawh inang deuh an ni. Tin, Sathar chu a lian vak lo va, Mizo Kêl pangngai tiat vêl a ni. Khâma chêng an nih avangin, khâm huai deuh te tan lo chuan kah ngaiha an awm lo. Khâma a tlâ lai emaw, mu lai emaw hi an kâp ber a. A awmna khâm chhawrdawh atang khân a hnuai thlang takah a tla thla thin.

Amsherawhchu, Pawi District Council a lo pian chinah khân, Council Forest Reserve ah puan a ni ta a. Kum 1972 atang khân Silai ri pawh hre tawh lovin ngun taka enkawl an ni ta a. Tunah chuan an pung sâwt hle tawh a ni. Hun rei tak Phawngpuia han lêng-te pawhin an hmuh mumal tawh loh kha, hmuh tûr an tam leh ta mai. Phawngpui tlang entute tihlimtu ber ânga mi an ni ve a ni.

**Zawng Damdawi:** Phawngpui tlang khâm then-khat khatah hian damdawi tha tak chu khat a awm a. Khâm kawkel, kal khirh khânna lai hi a awm duhua a ni a. Zawng hian an duh êm êm a. A bik takin, kah hliam an ni emaw, natna eng eng emaw an tuar a nih chuan a rang lamin an pan a, an liak a, an hliamahte an hnawih bawk thinin an sawi. Ie mi avang hian "Zawng damdawi" an ti a ni. A rawng lan dan chu a dum deuh a. Tui huâng deuh a awm a ni. An lâk hnu hian a khel thin a. An ei dâwnin tlêmtêiu an zai thla a, tuih an chieha an in thin. Natna chi hrang hrang a chhâwk thei a; pum uâ hte leh hmeichhe nâu neiha lama natna hrang hrangah an hmang bawk. Damdawi lam mi thiamten exam ngun ta se, thil tha



tak a nih a rinawm. Hetia khâma a awm awaung hian  
“Lung pang si (Khâm damdawi)” an ti bawk thin.

**Kham Damdawi :** Khâm damdawi chi khat a awm  
leh a. Ai lam chi a ni thung a; Sawhting a ang deuh  
ber. ‘Ai lai lêng’ an tib hi chu a ni si lo deuh a. Khâm  
hmun rem lai leh khâm koakte a awm awaung, a lâk  
pawh a harsa vak lo. Pum nâ damdawi atan an hman  
deuh ber. A chung a sawi tawh ang khian mi thiamin  
exam hlawm se, damdawi siam nâna thu thate a lo nih  
phei chuan, a chin pun dan a awm ngei ang.

Heng lo pawh hi damdawia hman theih na rin,  
hmin chi hrang hrang a awm nual a. Sorkarin enshah-  
tir se, kan ram hausakoa huâr pakhat a ni ve mai  
chei ■ ni.

Pangrâng lungphun tlang thlang kha kaikawng  
chanchin kan sawi tawh a. He mi atang hi chuan tlêm-  
in kawng r chhuk leh deuh a. A chhuk leh tlêm a  
nan chho va. Heta tanga hla vak lo vah huan Pangrâng  
khaw rêng a awm. Pangrâng hi Archhuang khaw per  
an ni a, in sawn pawh an tlang inang lo. He khua hi  
Phawngpui tlang huam chhûnga awm a ni.

**Khimtâwpu tâknâk lungpang :** Pangrâng khaw  
hnuai, Phawngpui tlangin a huam chhungah si hian  
khâm pakhat a awm a. He khâmah hian khâm khuai  
a awm ve a. Chu chu Ifaku Lal Thatchema ta a ni.  
Thatchema hian a unate, hêng Archhuang vêl awp tûr  
hian a dah hlawm a. Mi thenkhatte sawi dan chuan,  
Archhuang khua hi Vawmbûk a a awm hmasa niin an  
sawi. He khâm khuai hian huan a nei a. An lak apiang  
hian an upa nun pakhat an thi ziah a. Khuavâng an  
rân a; mi ■ ngên a ni tib an hre ta a. An lâk hou-  
bounber tumo. Thatchema chuan, “Mio town khawih  
tawh sub ang che, mihring dang karawn pe zawk ang  
che,” ■ ti a.

Chu mi lai chuan Kâwl putar pakhat vakva hian  
a rawn bêl a. Kâwl tawnga ■ hming a sawi an hriat  
chian theih loh awangin, Pawi tawng a zûl ber a  
hriatin an ko va, ‘Khimtâwpu’ an ti mai thu a. Ni  
khat chu Thatchema chuan, “Khimtâwpu, Sangau

(Phawngpui)-ah han kal ila, ka khâm khuai i la ang hmiang. Khuai hi i ngam em?" a ti a. Khimtâwlpw chuan, "Ngam e a! Khuaita chu ka ngam ve zâwng tak a lawm; i kal ang hmiang," a ti a. An kal ta a; a hmun an thlen chuan la turin an insiam a. Khâm khuai lâk dawn chuan hruizêna uai thlâka hawlh a ngai a. Khimtâwlpw chu a hawlhtir ta a. A hawlh thla hnem tawha a hriat hnuin, Thatchema chuan, "Kha le, mihring ke pe che," a ti a. Khimtâwlpw uai thlâkna hruizên chu a sât chat a, a thla hlum ta a ni an ti Chuvangin, "Khimtâwlpw tlâknâk lungpang" an ti ta a ni. A hou-ah pheh chuan mihring a ngen zêl an rin avangin, he lai khâm khuai hi an la ta ngai lo a ni âwm ■

Awle, Pangrâng pêng ațang kha chuan hmun khawi laiah emaw chhuk leh pheh deuhte awm mah se, a tam ber chu chho a ni tawh a. Hmun chhinchhiah tlâk engmah a awm hran lo. Phûl pawh sawi tham leh hming nei a awm mang lo. Anaherawhchu, phûl zîn tê tê chu a awm zeuh zeuh a. Kâwn a awm deuh chuk bawk a 'Tlang sâng' an tih thui trai thlen dawn-ah pheh chuan kawng hi a chho hle a ni. Tlang sâng hi Sangau khua ațang pheh chuan a lînga kal phak a ni lo. Vawmbûk khua atangin a huai zawk thung a. Tunah Phawngpui tlang sanno ber i thleng dawn ta. Inring rawh le

**Tlang sâng :** Tlang sâng hi Phawngpui tlang sâng-na lai ber a ni a. Ft. 7,100 a sâng a ni. A hmun hi Fâr pāk zâwlte naga nuam pawh a ni hranpa lo va. Thengthaw ang reng tak erawh chu a ni. Survey of India-na tlang an tehna sulhnu vêl hmuah tur a la awm a. Favang khaw thian that lai chuan Bay of Bengal tuipui pawh Thlangrâ tiat vêlin a lang thei. Tin, he hmunah hian MNF ho lungphun a awm bawk.

**Tlalpar riabûk :** Tlang sâng bul lawkah hian pûk a awm a. He pûk hi thûk tak a zi. Chhûnah pawh Torch light emaw, meichher emaw chhi lo chuan a pûk tawp thleng a luh theih loh. Tin, he pûk hi a kawi nuai a, chu chu a chhûngril lam a thim zualna rhan pawh hi a ni. A vâng chu zîn tê a ni thung.

Tjalpari hi Cheural lal fanu a ni a. A hmêl a tha  
êm êm mai a. A chbungten Lungbunah pasal an neih-  
tir a. Lungbun khua hi Lakher khua a ni. A pasal  
chu tun hmas a hmuh ngai pawh ni lo, mi eng ang  
nge a nih pawh a hriat ngai loh a ni. An ioneih hnu  
chuan a duh lo lutuk a; mahse, hman lai chuan hmei-  
chhiate hi ran ang maiin an duh leh duh lo pawh sawi  
lovin, a hralh tak tak bian an hralh hlawn hi a ni  
ngawt mai a. Iohmangaih taka innei hi vâng tak an  
ni zâwk. Hêng ~~avâng~~ <sup>avâng</sup> bian a ni, hman lai nula tlang-  
vâl, thawnthua sawi ~~lâk~~ an tam êm êm nachhan pawh  
hi ni rêng ni.

Tjalpari phachin hi a kimchangin kan sawi hman  
lo vang a. A lung a lêng thei êm êm thin a. A chhan  
chu hmanang dang a nei a. Dopawrha, Mâmpui lal a  
ni. A ngaih ~~awng~~ <sup>awng</sup> tana rawm taka awn a tum that  
a. A pasal pawh a bulah a mu thei i gai lo. Nupa  
angin vawi khat mah a pasal chuan a awmpui thei hek  
lo. Ni khat chu amah chauvin inah a awn a; a in-  
siam a, a tlenbo ta a. Lungbun stargin Niawhtlang  
khua te, Lungzarhtum te, Bualpui te tob Vawmbûkte  
kal tlangin a kal zêl a. A pasal khân a rawn ûm a.  
Vawmbûkah a riah ngei a ring a. Vawmbûka va nan  
a, lêtpui leh a tum a. Mahse, a lo kal tlang zêl si a.  
Ni a tla têt tawh si a; a pasal ngaih tha lo chuan a  
ûm zui ve ta zêl a. Tjalpari châu lutuk chu a chawl  
a, a han hawi vel a, hla taka a pasal lo kal chu a hmu  
a, a chak thei ang berin a kal a. mahse, khua a thim  
tâk avargin, tlang sâng bula pûkah khân a hirû a. A  
pasal kha pakioah a rawn thleug ve a, a thim lutuk  
tawh avângin pûkah bawh chuan riah tumin a lo lût  
ve a. Tjalpari chuan pûka a pasal lo lût a hmuh chuan  
pûk ril lam a chuh a. Pûk chhung hi ki-kawi nuai a  
ni kan tih tawh kha. Tichuan, a pasal chuan chu pûka  
a nupui nêna an riah tlan chu hre lovin zankhua'n a  
mubil a. Khua a vâh chuan a pasal beidawng chuan  
ûm phâk a inbeisei ta lo va, Vawmbûk lamah a lêt leh  
ta a. A pasal kal liam chu a en ru reng a. A pasalin  
a rawn hmu phak tawh lova a hriat hnuin, a chhuak  
ve a, Saugau lam a pan ve ta a ni. Hêng avâng bian

“Tispar risbbûk” tih a lo ni ta a ni. Cheurâl a thlen hnu hjan Dopawrha, Mâmpui lal nên chuan hlim tekin an, innei a ni. Tunah an tute pawh hmun tinah an awm. An fapa chu Pu Sakeia, Mâmpui lal kha a ni.

Tlang sâng aţang hian ngaw leh Rawngal hmun-puite rei lo têah i kal pel ang a Tin, kawng chu a chhuk vek a ni tawh thung ang. Phûl nuam tek tak zâu pui pui i hmuin, i kal tlang zêl ang a. Sangau khua aţanga chhuak tan kha i ni a, he mi hmun thlen hi chuan tlai ni tla tûr sen siah mai chuan phûlte chu mawi deuhin a chhun êng ang a. Pian tîr aţanga lunglêng ngai lo tân pawh lunglên loh theih a ni lo.

**Vawmbûk Boi thlân :** Chutianga thui tak i kal hnu chuan ‘Vawmbûk boi thlân phûl’ an tih chu i thleng ang a. Fâr leh Apple te an lo awm t̃euh tawh ang. Fârte hi an puitling t̃ep tawh a. Pawi District Council Forest Farm a ni. Vawmbûk pawh a lo lang tan tawh ang. Hmun nuam tek a ni ve a ni.

He mi aţang hian chhuk bir deuh nghaun kalkawng a kal tawh a. Rei lo têah Archhuang pêng i thleng ang a, chu chu Phawngpui tlang tâwpna a ni ta. Hemi aţang hian Vawmbûk chu mel 2 pawh a tling tawh lo

### BUNG 3

#### SANGAU KHAW CHANCHIN

Bung khatna bul lama kan sawi tawh ang khân he khua hi Phawngpui tlang ramhuai lalber, SANGAUA hming chawia a hming hi sak a ni. Phawngpui tlang nên hian inlaichinna a bîk taka an neih avangin, a chanchin han sawi ve ila. Tûna Sangau khaw chhûng 18th. Assam Rifles ho awinna hi Sangauau Bangla anga a hman pakhat a ui a. A hmingah pawh “Khuavâng lung tlang” tih a ni,” tih kha bung khatnaah kan sawi tawh a. Sipaiho awm hma chuan dîl a awm a. Amah-erawhchu, fûrah chauh tui a tling t̃hin. Tin, tuna Hellipad-ah hian lung fel tak leh awmze nei taka dah khâwm ni âwm tak hi a awm a. Chuvanga he huing hi ehawi nia sawi a ni.

### **Pawihō awm hmas hoam dang awmte**

Sangau khuaa Pawihō an luh hma hian, hoam dang Pâng leh Tlânglaute an lo awm tawh a. Khaw chhak Dâwn khua atanga lo kal an nia hriat a ni. Tâmma te, hriêngte avangin an tiau san lek lek thin a. Mahse, chung hun hrehawm a liam hnu chuan an rawn pêm belh zêl baw a; an inbêng bel tha leh ■ Tuna Sangau khaw bul lawk ti mai ıla, Sangau atanga mêl 2 leka khaw pakhat awm, Pâng khua an tih pawh khu Pâng-ho lo awm tawhna a nih avanga Pâng khua tih a ni. Chutianga rêi tak an awm hnu chuan an lo darh tan ta a. An darhna chhan chu hetiang hi a ni.

Vawi khat chu tuna Chin Hills atang khian pa pakhatin Her-âwt a rawn zuar a. Sangau khaw lo luahtu hmasaho hi an tualchhângah chuan an sual hle awm e. A Her-âwt zawrh chu lei sak duh si lovin, an tiduhdah vêl a. Mipa ni ve tân chuan tuar zawh rual lohvin an tiduhdah a. A Her-âwtte chu an tihchhiat sak a. Nula pakhat phei chuan, “Mi eng ang mi nge a nih pawh bre uk lova, kha tia tihthe chu a va han tha lo em ! Mi pasaltha takte a nih vaih chuan, harsatna kan tawh phah ngei ang maw le. Kan khaw tlangvalho han sualzia mai mai hi chu aw,” a ti ngawih ngawih e, an ti. A thiorim ve nasa mai a. “Tunge ka nih in la hre mai ang, kan hma thla khat vêl huah min lo en ang che u,” ■ ti a, an khaw lam panu thior teuh chung chuan a haw ta a.

### **Sangau khuaa hoam dang awmte Pawihovin an pin darb.**

Khua a thlen chuan thil awm dan chu a sawi ta a. Amah hi pasaltha tak, sa leh râla mi hmingthang a ni a. A sawi lâwk angin, thla khat chhâng chuan a inpeih chhuak thei ta lo va. Tin, a tum baw hek lo. A haw atanga thla khat vêlah chuan tunge a nihthe an hre ta baw a, an inring nasa hle a. Mahse, engmah riva a awm tâk lôh avangin, ngaihngamin an han awm tan leh a. An muang ta hle maw tih chinah Pawi râl chu an rawn che ■ a. Nasa takin an that hlawn a. Hêng

Pânghote hi mi hausa tak an ni a; hman lai sum ngai-nat zâwng thi leh dârtê pawh an ngah hle a. Chung an ro tha zawng zawngte chu an lâk sak hlawm a. Hmeichhia pawh tam tak an that tela sawi a ni. A chhan chu a Her-âwt zawrh laia an mipa hovin an lo tihduhdah laia an lo diriam vêl vâng a ni. A Her-âwt zawrh laia nula pakhat lo tantu kha erawh chu an inchhûnga an ro thil engmah an lâk sak lo thung An chhungkua pawh an zuaba sawi a ni.

A khât tâwkin a huuah pawh an rawn bei ta reng hlawm a. Haka hote pawhin an rawn bei ve ta zêl hlawm a. A tawpah chuan an tuar zo ta ngang lo va, tuna Cheurâl lamah bian an tlânchhe ta a An ûm zui zêl hlawm a; tuna Lungtian khua khi an ûm pel hlawm a. Khawiah mah an inbêngbel ngam ta lo va, tuipui kânin khaw thlang lam an pan ta l'una Bangladesh boundary vêl leh Bangladesh ramahthe khuan an awm hlen ta a ni. Thil pakhat han sawi leh lawk ila. Kha tia Pawi hovin an rûn tâk sek chinah leh an ro hlu tak takte lak sak an chîu chinah kha chuan an funkhur khawp a; Pawiho hmuh loh leh lâk bâng an ro hlu kha leiah an phûm vak a. Hetia an tlânchhiat dâwn phei hi chuan, engmah han ken theih a ni lo va. An nupui fanaute leh an puanthuah leh an kalkawng ei tûr buhfai chauh pawh an busipui si a. Tichuan, tun hmaa an ro phûm rûkna hmunah khân an phûm vak hlawm a. Nakin râl reh huna lâk lebah an ti a. A hmun hriat reng nân Bûngpui an phuu a. Chu chu Pâng khaw kawtchhuahah khian a ni a. Vai len hnua Kulia lo kal thîn Pâng leh Tlanglauhote chuan an zawng ziah thîn. "Kan pi leh puten he laiah hian ro an phûm ru a, kan lai chbuak dâwn," an ti thîn Mahsela, kha Bûngpui kha a lo rei ta êm a, a kûng bul pawh hriat lohvin a awm tawh a. A chhan chu Bûng kûng rêng rêng chu a kûng stangin zung a thlâk t̄euh a, leiah zung an zuk thlâk leh a. Chu Bûng pui pawh chu a eng ber hi nge a kûng pui ber uh hriat a harsat tawh lutuk avangin leh, zung lian pui pui pawm aia lian lian a lo thlâk t̄euh tawh vang a ni. Chuvangin, an ro

phûm chu an zawnng hmu ta lo a ni. Tûn thlengin tumabin an laih chhuah hriat a ni lo.

Pâng an nih vanga hetiang a ti chu an ni lo va. Hman lai chuan Pawi leh Pawi pawh an indo tho va. Lusei leh Lusei pawh an indo tho bawk a. A chhan erawh chu a inang kher lem lo. Tichuan, Sangau khaw hmun leh Pâng khaw hmun chu an chhuah san a, khaw ramn a awm ta reng a ni.

### **Sangau kbuaa Pawiho lo lub tanna.**

Hakaa pasaltha, Phuohnawma Tlangchhan mi huaisen hi wawi khat chu Banawhtlâng-ah a zin a. A zing tho zung tura chhuak chuan a han hawi vêl a. Sangau tlangpui leh a chheh vêl ram ngaw dur khup mai chu a han thli a. Banawhtlâng-ho hnênah chuan' "Khi lai ram khi tu ram nge?" tin a zâwt hlawn a. Anni chuan, "A, tu ram ni lo ve, Sazuk, Sakhi ram a nih khi," an ti a. Khua va sah êna awm châkna a nei tlat mai a. A han zawn zêlin, a piahah pawh ram ruak awm zêlin an sawi a, chu tak chu a châk chhan a ni.

Haka a thlen chuan an lai hnênah. "Lalpa, Banawhtlâng râlah khian ram âwl, Sazuk Sakhi ram a awm a, chu chu i tân va sât êngin, khua va din ta ila. Tin, a piah leh deuh, Sangau tlangpui liam khaw thlang lamah pawh ram ruak awmin an sawi a. Tichuan, Sangau tlangpui huama i khua leh ram ka din sak hnu che chuan, chu lai ram âwla tlang ka tan ka din ve min phal sak rawh," a ti ta a. Lel chuan, "Khua in din ngam dawn em ni?" a ti a. Anni chuan, "Ka mi duh zâwn-te ka sâwm min phal sak chuan din ngam teh lul e," a ti a. Lel chuan a remti ta a. Ram âwl dang atâna tlang a chu ve pawh chu a remti a.

Phuohnawma chuan Hichhâl-ho te, Fâmbâwl-hote leh Dingnar pasathahote a sawn hlawn a; kal an tum ta a. Lel chuan a ti sâw a tinthe len Chawngnak pasaltha a an ni lo. Lel chuan a ti sâw a hlawn a. Kalkawnga a ti sâw a hlawn a. Lel chuan a ti sâw a hlawn a. Buatsaih huna an hotu a. Lel chuan a ti sâw a hlawn a. Tlangchhan mi hmingthang leh Bawilawmba. Tinthe pasaltha ruat an ni a. He lehkhabu ziaktu pawh hi Bawilawmba thlabte zinga mi a ni.

Haka ațangin Banawhtlângah an kal a; tahchuan kum khat an awm lâwk a. Chumi ațang chuan tuna Archhuang khaw hnuaî, Sangau lui chhuah zâwlah khuan an inbâwk leh a. He mi ațang hian Tisum tlanga Lungbrawng khuaah an inkulh leh a. Lungbrawng khua ațang chuan tuna Thaltlâng khaw hnuaia Banhla khua an tihah chuan an inkulh leh a. Hetia an inkulh zutna chhan hi chu pasalțhaten a ram an en thli thlai chbhung a ni. A tira an inkulhna kha a blat êm avangin, duh angin an en Chiang thei lo va. Tin, chung lai chuan Vawmbûk leh a chhehvêl khuate khi an la awm lo va. Tin, leh lam (hmâr lamah) Cherhlunah tih loh chuan tumah an la awm lo bawk a. Tuna S. Vanlaimphai te, Dârzo te, Muallianpui te leh Lunglêng te hi an la awm lo a ni. Tin, heng Lungtian leh a chhehvêlah hian khua a la awm miab bawk lo va. An ram zâu zâwnge an hre duh si a. Kalkawng engmah a la awm si loh avangin, an en chbung hi a rei hle a ni.

### Sangau khua an luah tau ta

He mi Banhla khua ațang hian tuna Sangau khaw hmum hi anrawn en ta a. Mahse, SANGAU TLANG—ahan kal a, Sangaua hnena inthawiate hlâna phalna lâk an tum ta a. Ar te kengin an kal ta a. Phawngpui tlangah an han kal a, an âr kente chu inthawî nân an hlân a, an han riak nghe nghe a. Zânah an upate mumangah Sangaua chu a inlâr a; chu khua an luah chu a phl sak hlawn a. Tin, a thu an awi zêl chuan sa leh râl lakab pawh hum a tiam hlawn a. Indonah an thite a nih ngawt lo chuan, Sangauah hian sâr thi an awm loh tûrte a hrit hlawn a. Tin, hman lai chuan keini Pawiho chuan, “Mîli kung khih,” kan ti a. Nau an lo pian hian, lai hruî tan chhum ssa piang an awm thin a; ini chutiang chu, “Nu lai kung khih,” an ti hlawn thin a; Sakeiin a seh lo thei lo an ti thin a. Chuong pawh chu he khuaah hian an awmin emaw, khaw dang ațanga an rawn pêm lub pawhin an him ang tih a tiam bawk a ni. Chutiang mi chu an tettê ațangin an êkte hi Sakeiin a chhar zel thin an ti. Tin, khua-vâng hnên ațangin emaw, mumang ațang pawhin emaw



Sârthi tur nia inbriatna nei chuan be khuas an lo tlân luh chuan an bim ang tih a tiam bawk a. Chu khuas chu ama khuas a nih tûrziâ a brilh hlawm a; a hmîngah pawh ama hmîng chawia SANGAU KHUA ù tûrin a brilh hlawm a. Khuas a vâ a, an han sawi chuan an blim hle a. An haw a, Sangau khuas chu an luah fel ta a ni.

Hetia khuas an din tih bian tuna Pâng khaw kawt-chhuah Pura bul velah kuan an awm hmasa a. Mahse indo reng mi an nih avangin, râl laka invênna harsa dâwnin an bria a; tuna Hriangtlang leh a chhehvêl tlang pangah bian an awm leh ta zâwk a ni. Haka lalin khuas an luah fel tih an briatin an fapa Dokhuaia tlang thut turin an rawn tir a. Hetih laia Haka Lal hi Zatlâng lal, Vântlira leh Tâihherha an ni. Hetih laia Sangau khuas an pasôlha ber chu Alhura Bungle a ni.

### Haka-in Sangau rûn an tûm.

Haka Lalte hi chi khat an ni a. ‘Sangpi’ leh ‘Sang-tê’ tun an inthen a. Chu chu ‘Vengpui’ leh ‘Vengtê’ tihna mai a ni. Chutia chi khat ù si chu an inep ru tlat mai a. Dokhuaia hi Taiherha fapa zâwk mun an sawi.

Vawikhat chu Taihera Kâwl rama rammu tura a kal hlanin, vêng leh lama mite chuan a Sangau khuas chu run sak an tum ta a. A nupui chu a rilru a hab hle a. An haw harin a ring bawk si. A tihngaihna hre lo chu a tap zawih zawih mai a. A tawng ngam bawk si lo. Tichuan, a khawpota Sangau rûn tûr chuan an chhuak ta a. An kel ra bria hleah chuan Taiherha rammu chu a lo haw a. In a thlang chauh chu a nupui chuan tap zawih zawih chungin, “Aw Taiherh, i Saugaupui a chum chhe zo ta, rûn tûra an kalna ni hnih lai a ni tawh,” a lo ti a. Taiherha thirrim lutuk chuan chaw a ei sawk sawk a, Silai leh Zên leh Khemu tanî tâwk a pai a; chhûn zan zawmin a tlân ta a. Sangau rûn tûra kalho kha Banawhtlangah zûte an lo zûk hlawm avangin, an lo nuang hlek a. Tio, Kaladan tui-puijah an riak a, zing lama chhum an tum a. Hmân lai râl rûn danah lian mut reh leh zing lam Ar khuang

‘Khuan hmasa’ an tih hun hi a ni fo rêng a. Mahse, tuipui kha, an han thawha kal an tum laiin chhûm chhah takin a khuh tlat a. Rush a sîr dâwn emaw an ti hial a. Thâl lai sia chutianga khua awm ta chu Khuanu remtih lohah an ngai a; chu mi ni chuan an lo thulh a. Haka mihring tânte chuan zo sâng lutuk, phai chhûm chîm ve ngai lohnaa awm an nih avangin, phai chhûm tuipûi bawh mai a ni tih hriat a har rêng a ni. An han thulh hnu, ni tlang sân hnu chuan a kiang leh mai si a. An let leh a, Banawhtlâng ațanga khaw awmdan chu en an tum leh ta a. Banawhtlâng-hovin thil awm dante an hrih hlawm hnu chuan kal leh an tum a. A tûka tuipuia riah thlâk leh a, zâna va beih an tum a. Mahse, a naktûk khua a vâr chuan Taiherha kha Banawhtlâng a lo lut ve a. Khuaah au awm tih a briatin, kawtchhuahah Silai a han kap ri dur a, “Keimah Taiherha Sakei ka ni e, tunge ka Sangau pui rûu tum chu?” tiin a han âu va Haka pa ho chu an inen hu hlawm mai a. “Kan Sakeibaknei a lo kal ta si a, tunge a hmaah ding ngam ang che u?” tiin an inzâwt kual a. Tuman an ngam loh avangin, a ruala haw pawh an ngam lova, pahoih, pathum tê tê-in a rûkin an haw darh ta vek a ni. Taiherha hmaah chuan an in-surrender vek a; a ngaidam leh hlawm a. A chhan chu a khaw fate ang tho an nih avang a ni.

### Phunhawman a tlang a luah tan.

Haka lal nêna an intiam augin Phunhawma chuan tuna Cheural leh Lungtian tlang vêl chu a luah a. A tirah tak chuan Lungtian hi thut ngah a tum a; mahse, Sangau ho nên inhlut lutuka han awm chu fel a ti lo va, tuna Cheural khuaah hian a inbêngbel phawt rih a. Mahse, ni khua a lo réi huiin Chinzah hovin Lungtian tlang hi an thut khalh a ni.

### Cherblun-ho nên an indo.

He mi bung bula kan sewi ang khân, Sangau ram bi a hmâr lamah pawh tuna Bualpui (H) leh Muallian-pui inkâr tuipui chinah chung lai chuan a ni a. An

ram piäha khaw awm huai ber chu Cherhlun, in 500 khua an ni a. Sangau erawh chu in 30, 40 lek an ni.

Vaw khat chu Cherhlun lal fapa Nozâman tuna Muallianpui ram hi a rawn kai a. A kai dawn pawh hian Sangau leh Hakapui hênah phalua la zet turin an hrih a. Chuti lo chuan an thieur ang a, a tân thil hlaubawm a ni ang tih an hrih a. Mahse, ani chuan, “Sawng Pawiho nri marte chu ka pal darh vek mai ang min ngaituah suh u,” a ti a, a kai lui a ni. Mi eng emaw zât a hruai a. An awm tih kha Sangau hovin an hre lo rêng rêng a. Mahse, lo an han hâl ta a, meikhu an hmuh chuan an thieurim hle a. Rûn túr-in an chhuak nghâl a. Khua chu an han thleng a, a thenin an hual a, a thenin an luhkhung hlawm a. Alzâma, Hranglungchhung pasaltha chuan lal in chu a va luhkhung a, Nozâma leh a nupui Huarbili chu va man a tum a ni. In a va luh chuan, laiou chauh chu a lo mu a. A pasal hiap râlin a khua an rûn tih a hriatin a tlânchhe hman si lo va, rappui chung sângah a Silai nêh a lâwn a, a thu reng a ni. Laiou chuan, “E, U Zamtê, nang i ni maw?” a lo ti vat a. Alzâma chuan, “Ni e Nu huar, dan a ni ve si a le, insiam mai rawh le, i chhuak nghâl ang,” a ti a. Liniarbili chuan, “U Zâni, a dik a lâwm; amaherawhchu, pawnfên fêng lovin ka lo mu a, pawnfên ka han fêng ve rih ang e, min lo nghak rih rawh,” a ti a. Chutia a nghah lai chuan rappui chung sâng atâng khân Nozâma chuan a rawn kâp a; mahse, a theih hlaub va; Alzâma thieur chuan a pawnfên fên pawh chu nghak lovin a hriuk lui ta a; Nozâma pawh chu a man tel a. Pawnfên lovin Sangau khaw thlengin an hruai a ni. A pasal Nozâma erawh chu kalkawngah a tlân chhuak a.

Thil pakbat ka hrih theihngihl che u a awm a. Khatu Muallianpui an rûn dawn khan Cherhlun iêna an inkar tuipui lei an dawn chu Alhniara an sah chah tir a. A hruai lam, a leilâwn tak chauh kha a sat chat a, a chung lam a lei tlangpui a lo sat chat lo va. Silai ri an hriat veleh Cherhlun in 500 khua pa zawng zewng kha Silai nêh an rawn tlân ve a. Lei hui an

sât chat tih an briatin, an Silai chu hruin an hling a, an pai vek a, lei tlângpui hruiah khân an rawn inban kai vek a. Sangauho leh an sal mante chu thui tak an lo kal tawh a; mahse, rei lo têah an ûm pha hlawn a. Nasa takin an inkâp leh ■ a. Hetua an inkah buai lai tak hian a ni, Nozâma pawh a tlân bo hman ni. Nakinah chuan Sangauho hian an tawlh san ta hlawn a. Thiam lo zâwk nia an inhriat avangin, Cherhlun ho chuan an ûm zui ta lo a ni. He mi tum an indonaah hian Nozâma khuate hi a zahve deuh thaw an boral a. Sangau erawh chu pakhat mah thi lovin khua aţang chuan an chhuak a. Mahse, Cherhlun hovin an rawn kah khân Dochhûma pu an kâp hliam a. Sangau pasaltha Alhniaran a hliam a hmubin, a pu a, a tlanpui a; mahse, inkahna kha a nasat êm avangin, Dochhûma pu chuan, "Alhniar, min nghat la min kal san mai rawh; nang Sangau tlang vêngtu, ka zara i boral hi a fel lo ve," a ti a. A han hnial nâ a, inkahnaah pawh a tel loh chuan dik thei dâwna a briat loh avangin leh, mi tanu zâwk inblohna a thlen zâwk a rin avangin a kal san ta a. Cherhlunho khân an rawn hmu a, an kap hlum ta a ni. He indonaah hian Alhniara chu an hmêl-mate pawh hian Nghalchang nên an tehkhin a ni.

### **Khuangthing hovin Sangau an rûn.**

Cherhlun leh Khuangthingho bi khaw unau an ni a. An late hi unau an ni. Sangau hovin Muallianpui an sawisak dan lungawi loh leh thinur avangin rûn an tum ve ta a. Tuipui dung an rawn zawh zêl a, Cheu (Darzo) lui chhuah an rawn thleng a. Cheu lui dung zawh a, an inrin lohna lama rawn beih an tum a; mahse vânnêih thlâk takin Cheural pa pakhat lèn dêngin a lo hmu hlawn a. An thil tum tioreng chu a zawh vek hnuin, a haw ta vaog vang a. Anni lui dung zawh tur chu lehkhah hman lutuk a inring a. In a thlen veleh châwl lovin Sangauah a tlang a. Sangauho chu thil awmdan tioreng leh rûn tura lo kalte chu an tamziatê a brih hlawn a. Sangau ho chuan 'RUH' an ti mai a, hmêlma laka iovên nâna kulh an siam hming a ni a. Chu Ruh chhûngah chuan a khuain an lo inkhung

fel vek a Pasalṭha zuaikaho kha a kawngka bulah an duty a. Khuangthingho lo lût chu an beidawng hle a. Inah tumah an awm lo va, an bungrua hmuh tûr engmah a awm bawk si lo va. An ruh siam lah chu han luh khung ngam chi niin an bre bawk si lo va. A tâwpah chuan, kir mai chu an duh bîk lo va, an inkulhna hmun chu beih tumin an rawn pan ta a.

An pasalṭha huaisen berin hma a rawn hruai a. Chutia huai taka hma a rawn hruai lai chuan, Sangau pasalṭha Râlkhina pain a dulah tak mai mupuiin a lo kâp a, a thei mu lemte chu a chhuak hung mai a. Chutia an mi huaisen ber a thib tāk chuan, Khuang-thingho chu an zâm ta a, an tlânchhe ṭan ta a. A huai fâl deuhho chuan au kâp a; kulh pui ngun lutuka siam kha a ni ve a, tumah an kâp fuh thei si lo va. Tabchuan, a rukiin Alhniara teho leh pasalṭha dang kha kulh atangin an pût ru a. au kâp lêt ve ta hlawm a. Alhniaran a hming a han chbâl meuh chuan, an tlânchhe ta dur dur mai a. Sangauho khân an ûm zui hlawm a. Ṭum thum lai ‘Kan tlâwm tawh c, min ûm tawh suh u’ tih chhinchhiaha thung kalkawngah an lo kham a; Sangauho chuan an duh lo va, an ûm zêl a. Tuipui Pâng khaw lui chhuah thlengin an ûm hlawm a. An lalnu, Ṭialhaii (Pahawa ne an tih bawk) chuan a khaw tlangvâlho chu. “Aṇ ârpa sa, an ârnu palh ang, an thing kham chu pêt tawh suh se, lo kir tawh hlawm rawh se,” tiin a chah a; an lo kir leh a ni.

### **Muallianpui leh Cherhlunin Sangau an rûn.**

Ṭuna S. Vanlaiphai rama Lathnuu mual hi Sangau. hovin an nei a. ‘In pûm’ an ti a, râltit laia lova awm khâwm nâna a huhova au iu sak hi a ni a. Chutah chuan Sangauho chu an awm khâwm a. Hetih lai hian Muallianpui rilru nâ khân Cherhlun nên ṭangrualin Sangau rawn rûn an tum a. Sazekhum kâwu atangin luitê dung zawhin an rawn kal a. He mi avang hian a ni, ‘Râlzawbva’ an tihna chhan pawh hi. Chutah pawh chuan kulh fel tak an lo nei hman leh a. Kulhah an lût leh vek a. Hei hi râl vêng tura an dabten an lo kal au hmuh vânga lo inthiar fihlim hman an ni.

Kulh kha an rawn kâp ul ul mai a. Hetih lai hi buh-seng lai a ni. Sangau tlangval huaisen deuh deuh in-thlang khâwm kha zânsb kulh atangin an chhuak ru a. Hmun tinah thâwm nei lovin an insem darh a. Chutah chuan an inkâp ta vak mai a; kulha mite khân an rawn kâp ve leh hlawm baw si a. A rûntu lam pathum an thi a, Sangau lam chu bichilh taka an kah hlawm pawhin an fuh tlat hlawm lo va. Sangauan khua an luah dâwna a lo tiam kha a hlen zêl niin an bria.

### Indona a reh

Khaw thenawm indo reng chu fela an hriat loh avangin, Muallianpuiho chuan inrem an duh a. Sangauho chu remna thu sawia lo kal turin an chah hlawm a. Mahse, an lo biakbum hlawm lo niin, palai pahnihte kha a râpthlâk thei ang berin an that hlawm a. Sangauin phubâ lak ve an tum tih an hriatin, remna thu rang takin an sawipui hlawm a, an inrem ta a ni.

### Hniarbili an chhuah.

Hetia indona a reh tâk hian Muallianpui lalou Hniarbili an man kha an chhuah ta a. Amah hi Thlântlâng lal fanu a ni. A pasal, chhan pawh rawn chhan-chhuak thei lo tu kha a pân duh lo va, Thlântlângah a kal ta a. Pawnfên lova Sangauhovin an man thu a brilh chuan a pute leh a nuâte an thiorim ble a.

### Thlântlângin Sangau rûn an tum. Hlawnocheu lal humhimtu atan Sangauin an la

Thlântlângho chuan Sangau chu rûn a, nuai chimih vek an tum ta a. Chu thu chu Sangauhovin an hriatin an mangang nasa mai a Lalpa nei pawh an ni tawh lo va; Lalou leh a fapa naupang tê nêna awm mai an ni si a. Chuvangin, chhim lama Hlawnocheu lal chu Sangaua awmpui atan an sâwm a. A chhan chu, be Hlawnocheu lalpa nupui hi Thlântlâng lal fanu a ni a, an lal thenkhatte tunu a ni baw a. Hlawnocheu lalou zârah him an inbeisei vâng a ni. Tichuan, an la ta a. Khâmkhui pakhat leh buh chhûn in tin atanga rêl i (tin khat hu) kum tin ei turin lâk luh an ni

Hetia Hlawncheu lal an lo awm hnu hian, Zathang lal kha a la naupang si a, rorêlna chu a pum hmawm ti tih mai a. An inchoawk zangkhai phei chu a ni mai a.

### Vâi an lo lan ta a

Vâi an lo len tâk khâu tuman an dăng zo ta si lo va. Sangauin lal pahni an neih kha tha lo an tin, mipui an phurrit lutukin an hria a, C.I. te, C.C. an tihte an lo kal pawhin, Zathang lalou khân Hlawncheu lal kha a ring tlat a, eugmah sawrkar thiltih tum dân pawh a hre ve lo va.

### Zathang lal an phiar

Hlawncheu lal tantu te, a bik takin Hraonglung-chhungrote leh an lungualpate chuan Zathang lal chu an phiar tan ta a. Hetia an phiarna chhan leh an duh lohua chhan nia an sawi chu:— (1) Zathang laiho hi an rawng lutuk a. (2) Chhiah an la nasa lutuk, tih velte a niin an sawi. Chhiah-ah hian sa chhiah tin-rêng an la a. Fanute pasal neih nia ran talh chhiahte lamin an la a. Chuvangin, sawrkar mi lo kal kha zû an lo zuk hlawm a. Vawk te theih tâwpin an talh hlawm a. A tawpah an thu chuan Lunglei S.D.O. beng a thleng ta a. Mipuite chu duh thlang turin a ti hlawm a. Hlawncheu lal hi lal nunnêm, mi huatthu sawi mang lo an ni a. Anmahni tantute chuan vântlâng sem atân vawk an talh a. “Hlawncheu lal chauh hi Sangau khua-ah ‘lal rawh se’ tih duh apiangin he sa hi la rawh u, tumah tih bik in ni lo.” an ti a, in tînah an vahpui a. Khaw hmun thuma thena hmun hnibin an sa chu an la ta a.

### Zathang lal an tla a, Hlawncheu an lal nghet

He thu hi Lunglei S.D.O. hnênah an thlen ta a Lunglei S.D.O. chuan Hlawncheu lal Thingtua a ko va; lalah a nemnghet ta a. Amaherawhchu, Zathang lalbo chu an ram Haka hawn thu a pe hlawm a. Thingtua chuan lalou (Zathang lalou)-te chu a chhûngte tho an nih avângin, zânah pawh a muhil thei lova. A upate leh a lam tângte a ko va, Lal nufateho chu Pâng khaw tâng





**MIZORAM STATE LIBRARY**

Acc. No. \_\_\_\_\_

Acq. by \_\_\_\_\_

Class.by . \_\_\_\_\_

Cata.by : \_\_\_\_\_

Sub Heading by : \_\_\_\_\_

Inscribed by : \_\_\_\_\_

Accession No. : \_\_\_\_\_

